

Headline	Tabung Haji tetap jual tanah di TRX		
MediaTitle	Utusan Malaysia		
Date	27 May 2015	Color	Full Color
Section	Dlm Negeri	Circulation	178,211
Page No	3	Readership	534,633
Language	Malay	ArticleSize	85 cm <sup>2</sup>
Journalist	N/A	AdValue	RM 1,680
Frequency	Daily	PR Value	RM 5,040



## Tabung Haji tetap jual tanah di TRX

**KUALA LUMPUR 26 Mei**  
- Lembaga Tabung Haji (Tabung Haji) dalam proses memuktamadkan penjualan plot tanah seluas 0.63 hektar di pusat kewangan Tun Razak Exchange (TRX) di sini.

Pengerusinya, Datuk Seri Abdul Azeez Abd. Rahim yang enggan mendedahkan identiti pembeli tanah itu berkata, pihaknya tetap membuat keputusan itu walaupun mendapat keuntungan sedikit.

"Pembeli sudah ada. Kita akan umumkan dalam tempoh terdekat. Tanah itu kini dalam proses penjualan dan kita sudah maktubkan untuk perjanjian jual beli," katanya kepada pemberita selepas menyampaikan hadiah dua Proton Preve 1.6 CVT Executive kepada dua johan Tilawah al-Quran Peringkat Kebangsaan di sini hari ini.

Yang turut hadir Timbalan Pengarah Urusan Kumpulan dan Ketua Pegawai Eksekutif Tabung Haji, Datuk Johan Abdullah.

Pada 9 Mei lalu, Abdul Azeez mengumumkan langkah Tabung Haji yang akan menjual plot tanah TRX atas nasihat Perdana Menteri, Datuk Seri Najib Tun Razak.